

Oleh itu, ingatlah kamu kepadaKu niscaya Aku ingat (pula) kepadamu (dengan menambahkan lagi ni`mat); dan bersyukurlah kepadaKu, dan janganlah kamu kufur terhadapKu.²³⁸ [152].

Wahai orang-orang yang beriman! Jadikanlah sabar dan shalat sebagai penolongmu,²³⁹ sesungguhnya Allah bersama orang-orang yang sabar. [153].

Dan janganlah kamu mengatakan terhadap orang-orang yang gugur di jalan Allah itu mati;²⁴⁰ bahkan sebenarnya mereka hidup,²⁴¹ tetapi kamu tidak menyedarinya.²⁴² [154].

هُوَ الَّذِي بَعَثَ فِي الْأُمِّيِّينَ رَسُولًا مِنْهُمْ يَتْلُو عَلَيْهِمْ آيَاتِهِ وَيُزَكِّيهِمْ وَيُعَلِّمُهُمُ الْكِتَابَ وَالْحِكْمَةَ وَإِنْ كَانُوا مِنْ قَبْلُ لَفِي ضَلَالٍ مُبِينٍ ﴿٢٣٨﴾

Bermaksud: Dialah yang telah membangkitkan dalam kalangan orang-orang (Arab) Ummiyyin (yang berpusat di Kota Mekah), seorang Rasul dari (kalangan bangsa) mereka sendiri, yang membacakan kepada mereka ayat-ayat Allah dan membersihkan mereka (dari iktiqad yang sesat), serta mengajarkan kepada mereka Kitab Suci (Al-Qur'an) dan Hikmah (As-Sunnah). Dan sesungguhnya mereka sebelum itu adalah dalam kesesatan yang nyata. (al-Jumu'ah:2).

²³⁸ dengan menolak pengutusan Muhammad sebagai nabi dan rasul terakhir, kerana Allah berfirman:

لَقَدْ مَنَّ اللَّهُ عَلَى الْمُؤْمِنِينَ إِذْ بَعَثَ فِيهِمْ رَسُولًا مِنْ أَنْفُسِهِمْ يَتْلُو عَلَيْهِمْ آيَاتِهِ وَيُزَكِّيهِمْ وَيُعَلِّمُهُمُ الْكِتَابَ وَالْحِكْمَةَ وَإِنْ كَانُوا مِنْ قَبْلُ لَفِي ضَلَالٍ مُبِينٍ ﴿٢٣٩﴾

Bermaksud: Sesungguhnya Allah telah mengurniakan ni`matNya yang sangat besar kepada orang-orang yang beriman, setelah Dia mengutus dalam kalangan mereka seorang Rasul dari bangsa mereka sendiri, yang membacakan kepada mereka ayat-ayat Allah dan membersihkan jiwa mereka (dari kepercayaan yang sesat), serta mengajar mereka Al-Kitab (Al-Quran) dan Hikmah (pengetahuan yang mendalam mengenai hukum-hukum Syariat) dan sesungguhnya mereka sebelum (kedatangan Muhammad) itu adalah dalam kesesatan yang nyata. (Aali `Imraan:164).

Di dalam firmanNya yang lain disebutkan kelebihan bersyukur dan akibat buruk kufur atau tidak bersyukur kepadaNya begini:

وَإِذْ تَأَذَّنَ رَبُّكُمْ لَئِنْ شَكَرْتُمْ لَأَزِيدَنَّكُمْ وَلَئِنْ كَفَرْتُمْ إِنَّ عَذَابِي لَشَدِيدٌ ﴿٢٤٠﴾

Bermaksud: Dan (ingatlah) ketika Tuhan kamu memberitahu: "Demi sesungguhnya! Jika kamu bersyukur nescaya Aku pasti akan menambah (ni`mat) kepadamu, dan demi sesungguhnya, jika kamu kufur (akan ni`matKu), maka azabKu amatlah dahsyat." (Ibrahim:7).

²³⁹ Susunan ayat berbentuk perintah dan suruhan seperti ini telah pun berlalu pada ayat ke-٤٥ Surah al-Baqarah ini. Ia boleh juga diterjemahkan dengan "Carilah pertolongan Allah dengan bersabar dan bershalat".

Dan sesungguhnya Kami akan mengujimu dengan sedikit ketakutan, kelaparan, kekurangan harta, jiwa dan buah-buahan.²⁴³ Dan sampaikanlah berita gembira kepada orang-orang yang sabar. [155].

²⁴⁰ Walaupun nyawa mereka telah terpisah dari tubuh-tubuh mereka.

²⁴¹ dalam kehidupan yang istimewa seperti tersebut di dalam firman Allah ini:

وَلَا تَحْسَبَنَّ الَّذِينَ قُتِلُوا فِي سَبِيلِ اللَّهِ أَمْوَاتًا بَلْ أَحْيَاءٌ عِنْدَ رَبِّهِمْ يُرْزُقُونَ ﴿٣١﴾ فَرِحِينَ بِمَا آتَاهُمُ اللَّهُ مِنْ فَضْلِهِ
وَيَسْتَبْشِرُونَ بِالَّذِينَ لَمْ يَلْحَقُوا بِهِمْ مِنْ خَلْفِهِمْ أَلَّا خَوْفٌ عَلَيْهِمْ وَلَا هُمْ يَحْزَنُونَ ﴿٣٢﴾ يَسْتَبْشِرُونَ بِنِعْمَةِ اللَّهِ
وَفَضْلٍ وَأَنَّ اللَّهَ لَا يُضِيعُ أَجْرَ الْمُؤْمِنِينَ ﴿٣٣﴾

Bermaksud: Dan jangan sekali-kali engkau menyangka orang-orang yang gugur di jalan Allah itu mati, (mereka tidak mati) bahkan mereka hidup (secara istimewa) di sisi Tuhannya dengan mendapat rezeki; (169)

Mereka dalam keadaan gembira dengan kurniaan Allah (balasan mati Syahid) yang telah dilimpahkanNya kepada mereka dan mereka bergembira dengan berita baik mengenai (saudara-saudaranya) orang-orang (Islam yang sedang berjuang) yang masih tinggal di belakang mereka dan belum menyusuli mereka, bahawa tidak ada kebimbangan (dari berlakunya kejadian yang tidak baik) terhadap mereka dan mereka pula tidak akan berdukacita. (170)

Mereka bergembira dengan ni`mat dari Allah dan limpah kurniaNya dan (ingatlah), bahawa Allah tidak menghilangkan pahala orang-orang yang beriman. (171). (Aali `Imraan: 169-171).

²⁴² Kamu tidak menyedari tentang kaifiat kehidupan mereka. Kerana mereka sedang hidup di alam yang lain. Oleh itu janganlah pula kamu mengqiaskan kehidupan mereka dengan kehidupanmu, sehingga kamu berkata: "Mereka itu hidup betul-betul seperti hidup kita."

²⁴³ Itu merupakan Sunnatullah kepada orang-orang yang beriman. Perhatikanlah sebagai buktinya firman Allah di bawah ini:

أَلَمْ أَحْسِبِ النَّاسَ أَنْ يَتَرَكَوْا أَنْ يَقُولُوا ءَامَنَّا وَهُمْ لَا يُفْتَنُونَ ﴿١﴾ وَلَقَدْ فَتَنَّا الَّذِينَ مِنْ قَبْلِهِمْ فَلَيَعْلَمَنَّ اللَّهُ الَّذِينَ
صَدَقُوا وَلَيَعْلَمَنَّ الْكَاذِبِينَ ﴿٢﴾

Bermaksud: Alif, Laam, Miim. (1)

Apakah manusia itu mengira bahawa mereka dibiarkan (saja) mengatakan: "Kami telah beriman", sedang mereka tidak diuji lagi (dengan sesuatu ujian)? (2)

Dan demi sesungguhnya! Kami telah menguji orang-orang yang terdahulu daripada mereka, maka (dengan ujian yang demikian), nyata apa yang diketahui Allah tentang orang-orang yang sebenar-benarnya beriman dan nyata pula apa yang diketahuiNya tentang orang-orang yang berdusta. (3). (al-`Ankabuut:1-3).

Berpandukan firman Allah yang lain dapat diketahui bahawa ujian yang diberikan kepada orang-orang yang beriman di kalangan umat-umat terdahulu jauh lebih dahsyat daripada ujian yang diberikan kepada umat ini. Allah berfirman:

الَّذِينَ إِذَا أَصَابَتْهُمْ مُصِيبَةٌ قَالُوا إِنَّا لِلَّهِ وَإِنَّا إِلَيْهِ رَاجِعُونَ ﴿٥٠﴾ أُولَٰئِكَ عَلَيْهِمْ صَلَوَاتٌ مِّن رَّبِّهِمْ وَرَحْمَةٌ وَأُولَٰئِكَ هُمُ الْمُهْتَدُونَ ﴿٥١﴾ إِنَّ الصَّافِيَ الْمَرْوَةَ مِنْ شَعَائِرِ اللَّهِ فَمَنْ حَجَّ الْبَيْتَ أَوْ اعْتَمَرَ فَلَا جُنَاحَ عَلَيْهِ أَنْ يَطَّوَّفَ بِهِمَا وَمَنْ تَطَوَّعَ خَيْرًا فَإِنَّ اللَّهَ شَاكِرٌ عَلِيمٌ ﴿٥٢﴾ إِنَّ الَّذِينَ يَكْتُمُونَ مَا أَنزَلْنَا مِنَ الْبَيِّنَاتِ وَالْهُدَىٰ مِنْ بَعْدِ مَا بَيَّنَّاهُ لِلنَّاسِ فِي الْكِتَابِ أُولَٰئِكَ يَلْعَنُهُمُ اللَّهُ وَيَلْعَنُهُمُ اللَّعْنُونَ ﴿٥٣﴾ إِلَّا الَّذِينَ تَابُوا وَأَصْلَحُوا وَبَيَّنَّاهُ فَأُولَٰئِكَ أَتُوبُ عَلَيْهِمْ وَأَنَا التَّوَّابُ الرَّحِيمُ ﴿٥٤﴾ إِنَّ الَّذِينَ كَفَرُوا وَمَاتُوا وَهُمْ كُفَّارًا أُولَٰئِكَ عَلَيْهِمْ لَعْنَةُ اللَّهِ وَالْمَلَائِكَةِ وَالنَّاسِ أَجْمَعِينَ ﴿٥٥﴾

(iaitu) orang-orang yang apabila ditimpa sesuatu musibah, mereka mengucapkan: “Kami milik Allah dan kepadaNya jua kami sekalian kembali.”²⁴⁴ [156].

Mereka itulah orang-orang yang mendapat keberkatan yang sempurna dan rahmat dari Tuhannya dan merekalah orang-orang yang sebenar-benarnya mendapat petunjuk. [157].

أَمْ حَسِبْتُمْ أَنْ تُدْخِلُوا الْجَنَّةَ وَلَمَّا يَأْتِكُمْ مَثَلُ الَّذِينَ خَلَوْا مِنْ قَبْلِكُمْ مَسْتَكْبِرِينَ الْبَاسَاءِ وَالضَّرَّاءِ وَرُزِلُوا حَتَّى يَقُولَ الرَّسُولُ وَالَّذِينَ ءَامَنُوا مَعَهُ مَتَى نَصْرُ اللَّهِ أَلَا إِنَّ نَصْرَ اللَّهِ قَرِيبٌ ﴿٥٦﴾

Bermaksud: Apakah kamu mengira bahawa kamu akan masuk syurga, padahal belum lagi datang kepadamu (ujian dan cubaan) sebagaimana yang dialami oleh orang-orang terdahulu daripada kamu? Mereka ditimpa malapetaka dan kesengsaraan, serta digoncangkan (dengan bermacam-macam ujian) sehingga berkatalah Rasul dan orang-orang yang beriman bersamanya: “Bilakah datangnya pertolongan Allah?” Ingatlah, sesungguhnya pertolongan Allah itu amat dekat. (al-Baqarah:214).

²⁴⁴ Mereka adalah orang-orang yang percayakan taqdir Allah. Apa yang telah ditaqdirkan Allah tidak akan terlepas dan pasti akan berlaku, sama ada ia baik atau tidak baik pada anggapan manusia. Allah berfirman:

مَا أَصَابَ مِنْ مُصِيبَةٍ فِي الْأَرْضِ وَلَا فِي أَنْفُسِكُمْ إِلَّا فِي كِتَابٍ مِّن قَبْلِ أَنْ نَبْرَأَهَا إِنَّ ذَٰلِكَ عَلَى اللَّهِ يَسِيرٌ ﴿٥٧﴾ لِكَيْلَا تَأْسَوْا عَلَىٰ مَا فَاتَكُمْ وَلَا تَفْرَحُوا بِمَا ءَاتَاكُمْ وَاللَّهُ لَا يُحِبُّ كُلَّ مُخْتَالٍ فَخُورٍ ﴿٥٨﴾

Bermaksud: Tiada suatu bencana pun yang menimpa di bumi dan (tiada pula) pada dirimu sendiri melainkan telah sedia ada di dalam Kitab (pengetahuan Kami) sebelum Kami menciptakannya; sesungguhnya mengadakan yang demikian itu adalah mudah bagi Allah. (22)

(Kamu diberitahu tentang itu) supaya kamu tidak berduka cita terhadap apa yang telah terlepas daripadamu dan tidak pula terlalu bergembira (secara sombong dan bangga) dengan apa yang diberikanNya kepadamu. Dan (ingatlah), Allah tidak suka kepada setiap orang yang sombong lagi membanggakan diri. (23) (al-Hadid:22-23).

Sesungguhnya (bukit) As-Shafa dan Al-Marwah adalah sebahagian dari syi'ar (ugama) Allah. Oleh itu, sesiapa yang mengerjakan Haji ke Baitullah atau mengerjakan 'Umrah,²⁴⁵ maka tiada apa-apa kesalahan kepadanya untuk bersa'i (berjalan dengan berulang-alik) di antara keduanya (dalam keadaan bertakbir dan bertahlil). Dan sesiapa yang mengerjakan sesuatu kebajikan dengan sukarela, maka sesungguhnya Allah Maha Menghargai kebajikan lagi Maha Mengetahui. [158].

Sesungguhnya orang-orang yang menyembunyikan apa yang telah Kami turunkan berupa keterangan-keterangan (yang jelas)²⁴⁶ dan petunjuk, setelah Kami menerangkannya kepada manusia di dalam Kitab Suci,²⁴⁷ mereka itu

²⁴⁵ Kerja 'Umrah itu sama saja dengan kerja Haji. Semua amalan yang dilakukan dalam Haji dilakukan juga dalam 'Umrah kecuali berwuquf di 'Arafah.

²⁴⁶ tentang kebenaran Nabi Muhammad s.a.w. sebagai penyudah sekalian nabi dan rasul.

²⁴⁷ Kitab Suci yang dimaksudkan di sini ialah Kitab Taurat. Banyak sekali kebenaran tentang Nabi Muhammad s.a.w. dan ajaran yang dibawanya disembunyikan mereka. Hakikat ini telah didedahkan oleh Allah pada firmanNya di dalam Surah al-An'aam berikut:

وَمَا قَدَرُوا اللَّهَ حَقَّ قَدْرِهِ إِذْ قَالُوا مَا أَنْزَلَ اللَّهُ عَلَى بَشَرٍ مِّن شَيْءٍ قُلْ مَن أَنْزَلَ الْكِتَابَ الَّذِي جَاء بِهِ مُوسَىٰ نُورًا وَهُدًى لِّلنَّاسِ تَجْعَلُونَهُ قُرْآنًا وَيَخْفَوْنَ عَلَيْهِ وَعَلِمْتُمْ مَا لَمْ تَعْلَمُوا أَنْتُمْ وَلَا آبَاؤُكُمْ قُلِ اللَّهُ ثُمَّ ذَرْهُمْ فِي خَوْضِهِمْ يَلْعَبُونَ ﴿٩١﴾

Bermaksud: Dan tiadalah mereka (kaum Yahudi) menghormati Allah sesuai dengan penghormatan yang sebenarnya ketika mereka berkata: "Allah tidak menurunkan sesuatu apapun kepada manusia." Bertanyalah (kepada kaum Yahudi yang ingkar itu): Siapakah yang menurunkan Kitab (Taurat) yang dibawa oleh Nabi Musa sebagai cahaya dan petunjuk bagi manusia, kamu jadikan kitab itu lembaran-lembaran kertas yang bercerai-berai, kamu perlihatkan (kepada orang ramai sebahagian kecil daripadanya) dan kamu sembunyikan sebahagian besarnya; sedang kamu pula diajarkan (dengan pengajaran-pengajaran yang terkandung di dalamnya), yang tidak diketahui olehmu (sebelum itu) dan tidak juga oleh datuk moyangmu? Katakanlah (kepada mereka): "Allah jualah (yang menurunkannya), kemudian (sesudah kamu menyampaikan Al-Quran kepada mereka), biarkanlah mereka leka bermain-main dalam kesesatannya. (al-An'aam:91).